

第五冊

(全八冊)

國家圖書館出版社

《春秋》研究文獻輯刊

晁岳佩 宋志英 選編

第五冊

《春秋》研究文獻輯刊

國家圖書館出版社

清·劉曾璇 撰

春秋書法比義十二卷

(卷十——卷十二)

清道光十九年(1839)刻本

第五冊目錄

春秋書法比義十二卷(卷十一——卷十二) 清·劉曾璇撰

卷十 一

卷十一 六五

卷十二 一〇三

春秋穀梁傳時月日書法釋例四卷 清·許桂林撰

總論 一五九

提綱 一七七

述傳 一八三

傳外餘例 二八三

春秋釋四卷 清·黃式三撰

卷一 三〇九

卷二 三六一

卷三 三八五

卷四 四〇七

春秋會義二十六卷(卷一) 宋·杜諤撰 清·楊昌霖輯

卷一 四七七

春秋書法比義卷十



鹽山劉曾璇訂

昭公

名裊襄公庶子母齊歸來人孟子諡法威儀共明日昭



元年春王正月公卽位

昭公見制季宿其卽位似文成襄哀而非文成襄哀至定公受位意如其卽位非桓宣而似桓宣矣

叔孫豹會晉趙武楚公子圍齊國弱宋向戌衛齊惡陳公子招蔡公孫歸生鄭罕虎許人曹人于號

汪氏曰宋虢之盟楚再先晉而春秋不以楚居晉之先亦猶黃池之會吳子主會而春秋以晉居吳之上也。諸侯

之大夫盟于宋不序盟于虢不書皆所以存中國也

三月取鄆

鄆莒魯所爭邑

錢氏曰季孫宿伐莒取鄆與公孫歸父伐邾取繹書法何以異伐邾猶公命也此專取邑而已故不書伐而書取。李氏曰莒魯爭鄆日久春秋書鄆悉未嘗係莒也意此邑疆界未明與繹爲邾邑異。方氏曰不言伐莒蓋魯以爲吾取鄆非取之於莒也

夏秦伯之弟鍼出奔晉

六月丁巳邾子華卒

晉荀吳帥師敗狄于大鹵。

秋莒去疾自齊入于莒。莒展輿出奔吳。

李氏曰：莒去疾書入與齊小白之例同，彼糾方爭國，故不得書國書子。今展輿既立踰年，成君矣，不書爵已足以見絕之之意。若又不書莒，何以見其已立乎？此變例也。

叔弓帥師疆鄆田。

汪氏曰：經書假田者一，許譏予之之非義也。書疆田者一，

鄆田譏取之之非義也。書取田者五，雖取所故有，濟西亦

惡其力奪。書歸田者三，惟歸曰來歸，鄆謹乃見其誠服。

龜陰

葬邾悼公

邾始書葬

冬十有一月己酉楚子麇卒。楚公子比出奔晉。

據傳、鄭伯髡頑爲駢所弑也。楚子麇爲圍所弑也。而經以卒書者、蓋魯史承其僞赴書之、春秋亦無從而革之也。然彼書未見諸侯卒于鄆、則駢弑逆之實已彰矣。此書楚公子比出奔晉、則圍篡弑之罪益著矣。

二年春晉侯使韓起來聘。

夏叔弓如晉。

秋鄭殺其大夫公孫黑。

冬公如晉至河乃復季孫宿如晉。

昭如晉九
始於此

前會邢邱襄公不與而季宿聽命以爲會公不如會宿也。
今茲如晉昭公見卻而季宿得入以爲公不如宿如也。
昭公失國之由季氏逐君之漸晉人下比之迹俱見矣。

三年春王正月丁未滕子原卒。

夏叔弓如滕五月葬滕成公。

滕始
書葬

秋小邾子來朝。

八月大雩。

冬大雨雹。

經書大雩二十一而昭公之世有七書大雨雹三而昭公之世有二亦當思禦災之道矣

北燕伯款出奔齊

四年春王正月大雨雹

夏楚子蔡侯陳侯鄭伯許男徐子滕子頓子胡子沈子小邾子宋世子佐淮夷會于申○楚人執徐子

秋七月楚子蔡侯陳侯許男頓子胡子沈子淮夷伐吳○執齊慶封殺之○遂滅賴

此楚專合諸侯因申會以伐吳也楚之主會自辰陵始宣

年一然從之者二國而已。楚之主伐自圍宋始。僖二然從之

十七

者四國而已。至此十二國之衆從以會申。七國之衆從以伐吳。羣然推弑賊以爲盟主。豈非天下之大變哉。春秋於會先楚子而執徐子。復書楚人者。惡之也。伐首楚子而殺慶封不書楚人者。削之也。慶封已非齊臣而猶係之齊者。以有與弑其君之罪。示當討之義也。然不從討賊之例。書曰楚人殺齊慶封。而曰執齊慶封殺之者。蓋春秋書殺他國之人。其法有二。凡有罪而當誅者。曰某國人殺某。若楚人殺陳夏徵舒是也。無罪而不服者。則書執某殺之。若

楚人執陳行人于徵師殺之是也。今封雖有罪而楚虔亦賊也。賊非可以討賊故不純以討賊之法書。

九月取鄆。

鄆已見滅于莒。魯乘莒亂有之。

魯嘗請屬鄆矣。前書莒人滅鄆見魯不能庇之也。鄆已滅於莒矣。此書取鄆。內滅國書取。是魯又滅之也。豈恤小存亡之義哉。

冬十有二月乙卯叔孫豹卒。

五年春王正月舍中軍。

公徒爲中軍毀之盡入於三家。

初作三軍三分公室民不盡屬於公矣。今舍中軍四分公

室民盡不屬於公矣

楚殺其大夫屈申

公如晉

夏莒牟夷以牟婁及防茲來奔

牟婁私邑
防茲公邑

邾庶其莒牟夷皆以二邑來奔彼不言及而此書及以別之者不以私邑累公邑也二叛來奔公俱在晉則納叛之罪在季宿矣

秋七月公至自晉

戊辰叔弓帥師敗莒師于蚡泉

春秋左傳卷之十一
秦伯卒

冬楚子蔡侯陳侯許男頓子沈子徐人越人伐吳

楚始通越也。晉通吳以病楚。楚亦通越以病吳。越始見經而與徐俱稱人。便文爾。猶戚之會吳以鄆。故稱人也。

六年春王正月杞伯益姑卒

葬秦景公

秦始書葬

夏季孫宿如晉

葬杞文公

宋華合比出奔衛

宋平公寵信閹寺，殺世子痤，而父子之恩絕，逐華合比，而君臣之義廢，刑人讒慝，敗國亦可畏哉。

秋九月大雩

楚薳罷帥師伐吳

冬叔弓如楚

聘楚一

齊侯伐北燕

七年春王正月暨齊平

與齊平者，二一書暨，一書及，何也？及者，我所欲之詞，暨者，不得已之詞。昭公未嘗通好於齊，因屢遭晉辱，恐不可恃。

乃與齊平以結援不得已也故曰暨定公前已再次侵齊因旋被齊伐懼其爲禍而求平於齊以釋怨我所欲也故曰及

三月公如楚。

季宿如晉叔弓如楚奔走不遑矣公屢如晉今又如楚卑辱亦甚矣

叔孫舍如齊涖盟

夏四月甲辰朔日有食之

秋八月戊辰衛侯惡卒